



CPPAG DOKUMENT

EVALUACIJA REZULTATA UNICEF/IBHI PROJEKATA USMJERENIH NA REFORMU SISTEMA DRUŠTVENE ZAŠTITE DJECE U BiH

april/travanj, 2008.

Sadržaj:

1. Uvod	3
2. Evaluacije rezultata UNICEF/IBHI projekata u devet (9) ciljanih općina/opština:	3
2.1. Preporuke za buduće akcije	4
3. Zaključci	

1. Uvod

Projekat «Podrška društvenoj zaštiti i stvaranju zajednica prijatelja djece u BiH» predstavlja logičan nastavak aktivnosti koje se nadograđuju na iskustva i lekcije naučene kroz višegodišnju realizaciju UNICEF/IBHI projekata sa ciljem unapređenja reforme socijalne/dječije politike i pružanja usluga u sistemu društvene zaštite djece u BiH. Projekat se realizuje u ukupno četrnaest općina/opština, u devet „starih“ (Bugojno, Gradiška, Kakanj, Vareš i Teslić, Breza, Donji Vakuf, Prnjavor i Srbac) i pet „novih“ (Drvar, Foča, Goražde, Istočna Ilidža i Kiseljak).

Jedan od ciljeva projekta «Podrška društvenoj zaštiti i stvaranju zajednica prijatelja djece u BiH» je da se realizacijom planiranih aktivnosti obezbijede preporuke koje će biti iskorištene za jačanje društvene zaštite i inkluzije u BiH, odnosno za unapređenje budućih projektnih rješenja UNICEF-a.

Entitetske Savjetodavne grupe za politike dječije zaštite (CPPAG-ovi), imali su zadatak da razmatraju rezultate implementacije UNICEF/IBHI projekata i obezbijede tehničke inpute u cilju unapređenja društvene zaštite i sistema inkluzije djece u BiH na osnovu iskustva HRBAP metodologije i ostalih sličnih inicijativa. Dokument koji je razmatran na osmom, zajedničkom sastanku CPPAG-a u Banja Luci, nosi naziv «Evaluacija rezultata UNICEF/IBHI projekata usmjerenih na reformu sistema društvene zaštite djece u BiH», i proistekao je, kao rezultat, iz jednodnevne radionice predstavnika Opštinskih/Općinskih upravnih odbora iz devet ciljanih opština/općina: Breza, Bugojno, Donji Vakuf, Gradiška, Kakanj, Prnjavor, Srbac, Teslić i Vareš.

U skladu sa zaključkom osmog, zajedničkog CPPAG sastanka, članovi ovog tijela su se složili da usvoje priloženi dokument uz manje korekcije jezičkih formulacija. CPPAG članovi su ocjenili ovaj dokument kao veoma koristan za buduće aktivnosti.

U nastavku slijedi djelimično izmijenjen dokument Savjetodavnih grupa (CPPAG).

2. Rezultati evaluacije rezultata UNICEF/IBHI projekata usmjerenih na reformu sistema društvene zaštite u BiH

U okviru ovog poglavlja napravljen je osvrt na rezultate provedene evaluacije u odnosu na preporuke za buduće akcije, dok su detaljnije informacije o rezultatima grupnog rada predstavnika/ca starih, odnosno novih ciljanih općina/opština, navedene u Aneksima 1 i 2.

2.1. Preporuke za buduće akcije

1. HRBAP metodologija

- integrisanje HRBAP metodologije¹ u relevantne zakonske okvire.

2. Entitetske Savjetodavne grupe za dječiju politiku (CPPAG-i)

- Naglašena neophodnost kontinuiteta u lobiranju i integrisanju preporuka nastalih iz rezultata rada CPPAG-ova;
- Povećati medijske i druge promocije djelovanja CPPAG-a u svrhu efikasnije implementacije preporuka definisanih od strane ovih tijela;
- Kontinuirano prenositi stečena iskustva u nove opštine/općine u svrhu poboljšanja društvene zaštite djece ;
- Neophodno obezbjediti vertikalnu saradnju i komunikaciju po pitanju podrške u rješavanju problema sa kojima se suočavaju nove opštine/općine.

3. Opštinski/Općinski upravni odbori (OUO)

- Mehanizam OUO-a potrebno je replicirati ne samo u oblast socijalne zaštite već i šire;
- Imajući u vidu specifičnosti i potrebe lokalnih zajednica, pri odabiru članova/ica OUO-a, pored kriterija zastupljenosti sektora iz sfere dječije zaštite, potrebno je također ispuniti i kriterij motiviranosti predloženih osoba;
- Neophodan kontinuitet u promoviranju djelovanja OUO-a/Komisija za unapređenje dječije zaštite;
- Omogućiti proširenja članstva OUO/Komisija za unapređenje dječije zaštite, kako bi se omogućilo uključivanje i drugih sektora koji se bave dječijom zaštitom (npr. policija i pravosuđe).

4. Akcioni planovi

- Kontinuirano vršiti promovisanje lokanih Akcionih planova razvoja dječije zaštite,
- Preporučuje se kontinuitet u izradi Akcionih planova razvoja dječije zaštite za dolazeće periode;
- Kontinuirano vršiti promovisanje Akcionih planova razvoja mehanizma monitoringa upisa u osnovne škole;
- Nastaviti sa repliciranjem modela monitoringa upisa u osnovne škole u drugim opštinama/općinama;
- Obezbjediti kontinuiranu podršku lokalne zajednice djelovanju OUO/Komisija za unapređenje dječije zaštite;

¹ HRBAP (Human Rights Based Approach Programma) kao pristup razvoju baziran na ljudskim pravima koristi smjernice, kao i principe ljudskih prava, u svrhu izgradnje kapaciteta za njihovu realizaciju. Sem identifikacije i imenovanja kršenja i nepoštivanja ljudskih prava, ovaj pristup nastoji da izgradnjom kapaciteta poveća sposobnosti nositelja tih prava da razumiju i zahtjevaju svoja prava, kao i kapacitete i sposobnosti nosioca dužnosti da poštuju, štite i ispunjavaju ljudska prava.

HRBAP metodologija je u najboljem interesu građana i korisnika društvene zaštite i značajno je provođenje edukacija u svrhu integrisanja ove metodologije

- Neophodno kontinuirano praćenje izdvajanja finansijskih sredstava za realizaciju akcionih planova putem izvještavanja i monitoringa;
- Omogućiti praćenje izdvajanja sredstava iz privatnog sektora za društvenu zaštitu;
- Omogućiti proširenje članstva OUO/Komisija za unapređenje dječije zaštite, kako bi se omogućilo uključivanje i drugih sektora koji se bave dječijom zaštitom (npr. policija i pravosuđe)
- Ukoliko se projekat ili akcioni plan realizira donatorskim sredstvima, potrebno je pojednostaviti pojedine procedure koje se odnose na dodjelu sredstava i finansijsko izvještavanje;
- Stečena iskustva članova OUO/Komisija za unapređenje dječije zaštite, značajna su za dalje procese unapređenja društvene zaštite djece;
- Uključenost svih institucija, ustanova, organizacija na lokalnom nivou predstavlja važan preduslov za dobro planiranje, procjenu i analizu;
- Iskoristiti stečena iskustva i omogućiti repliciranje modela mješovitog sistema dječije zaštite, imajući u vidu postignute rezultate u pet (5) ciljanih općina/opština, a gdje su uspostavljeni funkcionalni i održivi modeli, koji afirmišu partnerski pristup unapređenju dječije zaštite na lokalnom nivou.

5. Posebno usmjereni projekti (PUP)

- Posebno usmjereni projekti trebaju imati dugoročniji karakter;
- Otvorena mogućnost replikacije primjenjenih modela i procesa u okviru PUP-ova;
- Segment održivosti vezati za kvalitet nosioca projekata;
- Iz moralnih i profesionalnih obaveza, članovi/ice OUO/Komisija za unapređenje dječije zaštite trebaju da prenose stečena iskustva i nakon završenih projekata UNICEF-a/IBHI-ja.

6. Partnerstvo na lokalnom i drugim nivoima

- Neophodno unapređivati partnerstvo bazirano na potrebi, a ne interesu;
- Kontinuirano unapređivati partnerstva;

7. Umreženost, komplementarnost na lokalnom nivou

- Kontinuirano djelovanju općinskih/opštinskih Komisija za unapređenje dječije zaštite od velike važnosti;
- Neophodno pronaći mehanizam za implementaciju sistemskog umrežavanja svih aktera dječije društvene zaštite u odnosu na njihovo djelovanje u ovoj sferi;
- Omogućavanje sistemskih rješenja kojima će se omogućiti dugoročno finansiranje nevladinih organizacija;

8. Profesionalni treninzi

- Omogućiti kontinuitet u edukacijama baziranim na procjeni potreba profesionalaca i ostalih u sistemu dječije zaštite;
- U procese treninga omogućiti uključivanje osoba zainteresovanih za sticanje novih saznanja i vještina;

- Obezbjediti stručnu literaturu i usavršavanje profesionalaca iz oblasti društvene zaštite djece;

9. Tematski okrugli stolovi

- Imajući u vidu značaj razmjene iskustava i sticanja novih informacija o diskutovanim temama, potrebno je obezbjediti kontinuirano održavanje okruglih stolova;
- Prilikom procesa odabira novih tema koje će biti diskutovane od strane učesnika/predstavnika relevantnih institucija i organizacija, neophodno je uzeti u obzir aktuelna dešavanja u sferi dječije zaštite.

10. Gender komponenta

- Preporučuje se adekvatna primjena zakonske regulative po ovom pitanju;

11. Materijalno opremanje Centara za socijalni rad

- U kadrovskom i materijalnom pogledu kontinuirano jačati centre za socijalni rad i druge institucije i organizacije koje djeluju u sferi društvene zaštite djece;

12. Odnosi sa javnošću

- Unaprijediti promovisanje djelovanja i rezultata entitetskih CPPAG grupa;
- Neophodno maksimalno uključiti medije u cilju informisanja i senzibilizacije javnosti i kontinuirane promocije potreba društvene zaštite djece;

13. Publikacije

- Nastaviti distribuciju materijala i publikacija koji će nastati kao rezultat budućih projektnih aktivnosti u 9 ciljanih općina/opština iz razloga održavanja kontinuiteta u sferi informisanosti i unapređenja znanja u oblasti dječije zaštite.

14. On-line centar www.dijete.org

- Budući rezultati rada OUO-a/Komisija za unapređenje dječije zaštite neophodno je i dalje kontinuirano dostavljati IBHI-ju, kako bi se isti objavljivali na on-line centru;
- Preporučuje se da IBHI napravi listu sa podacima o članovima iz svih devet (9) OUO-a i prosljedi je svima kako bi se ubuduće održao kontakt; listu je potrebno staviti i na web stranicu.